

Tajuk : MASUM : Uitm bolot dua pingat emas futsal

MASUM: UiTM bolot dua pingat emas futsal

Utusan Borneo 14/04/12 /sabtu mlj: 18 /sukan

KUCHING: Universiti Teknologi Mara (UiTM) merangkul emas bagi kedua-dua kategori lelaki dan wanita pada acara akhir futsal MASUM 2012 di Kompleks Sukan UNIMAS semalam.

Dalam kategori lelaki, UiTM dipaksa berhempaspulas sebelum menjaringkan gol pada minit-minit terakhir permainan bagi menundukkan Universiti Teknikal Malaysia Melaka (UTeM) dengan jaringan 1-0.

Dalam kategori wanita, UiTM tidak menghadapi masalah untuk membenam Universiti Malaya (UM) 4-0.

Pengurus pasukan UiTM, Ezuan Othman berkata beliau tidak menjangka pasukannya mampu untuk meraih emas bagi kedua-dua kategori dan ia adalah bonus bagi dirinya.

"Sudah dijangka, UTeM akan bermain dengan cara bertahan dan strategi mereka ternyata berkesan mengekang serangan anak-anak buah saya," ujarnya sambil memuji



JUARA FUTSAL: Pasukan futsal lelaki UiTM meraikan kejayaan mereka bergelar juara di Unimas.

peningkatan prestasi pasukan lelaki sekalipun banyak menurunkan muka-muka baru.

Katanya lagi, kemenangan itu akan menaikkan lagi semangat anak-anak buahnya

untuk mempertahankan kejuaraan pada Liga Futsal IPT Kebangsaan tidak lama lagi.